

Eatenus quidem in locis papisticis concedi potest, haftenus minimè.

19. *An conciones funebres legitimo jure habeantur?*

Resp. Affirm. 1. Quia est antiqua consuetudo, etiam Judæis in Vet. Test. usurpata, unde Rabbinii scribunt: *nullum funus in Israel factum est sine sermone prophético.* 2. David in funere Abner, Imperatoris militiæ, ejusmodi concionem habet, 2. Sam. 3. 3. Similiter etiam Christo fecit Centurio conversus, *Matth. 27.* 4. In Ecclesia Novi Test. idem usitatum fuit, ut Dionysius Areopagita, Nysenus, Ambrosius, testantur. 5. Etiam Gentiles fecerunt, ut de Ægyptiis scribit Alexander ab Alex. 6. de Germanis antiquis idem refert Crantzius in Metropoli lib. 9. cap. 28.

20. *Quomodo cum Cæmeteriis decentur agendum?*

Resp. 1. Loco sicco & aprico ponantur. 2. Ubi venti perflare possint. 3. Muniantur aggeribus & parietibus, ne canes & fues pertranseant, & sepulchra diruant. 4. Prohibeantur discursus hominū vanissimorum, qui sæpe calcant & disjiciunt tumbas. 5. Præserventur à sordibus & stercoribus, quæ vicini solent injicere. Vide *Deut. 23, 12. 13. 14.*

IN LOCO

DE RESURRECTIONE MORTUORUM. THEOREMATA.

1. **D**uplex datur Resurrectio in Sacris: altera est resipiscentia à peccatis, *Eph. 5, 14. Apoc. 20. v. 5. 6.* Altera est resuscitatio à morte naturali, *Dan. 12, 2.* Notat quoque liberationem ex calamitatibus, *Psal. 9. v. 14.*

2. Dicitur autem Resurrectio, quasi Reerectio, scil. ejus quod cecidit. Hebræum est *תְּקוּמַת הַבָּשָׂר* resurrectio carnis, vel *תְּחִיַּת הַמֵּתִים* vivificatio mortuorum. Græca sunt *ἀνάστασις, ἔγερσις, ἀναβίωσις, ἀνάγνωσις.*

3. Resurrectionem mortuorum probant. (1.) Scriptura dicta, *Ezech. 37, 5. 6. Dan. 12, 2. Job. 5, 39.* (2.) Exempla, 1. *Reg. 17. 2. Reg. 4. Luc. 8. Job. 11.* (3.) Typi, ut sunt: Germinatio virgæ Aaronis, *Num. 17.* Liberatio Jonæ e ventre ceti, *Jon. 2.* (4.) Rationes: justitia divina postulat, unicuique secundum facta retribui. At hoc

Ooooo

non